



Sarajevo, 04.07.2024.

**PREDSTAVNIČKI DOM
PARLAMENTARNE SKUPŠTINE
BOSNE I HERCEGOVINE**
n/r predsjedavajućeg

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

PRIMLJENO: 04-07-2024

Organizaciona jedinica	Klasifikaciona oznaka	Redni broj	Broj priloga
01-	50-1-	1257	24

U skladu s članom 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15 i 97/15, 78/19, 26/20, 53/22, 59/23 i 87/23) postavljam sljedeće

POSLANIČKO PITANJE

U kojoj je fazi je izrada Strategije i Akcionog plana razvoja nauke za period do 2028. godine i kada se može očekivati njeno usvajanje?

Obrazloženje:

U Izvještaju Evropske komisije o Bosni i Hercegovini za 2023. godinu navedeno je da su istraživački kapaciteti i inovacijska nastojanja Bosne i Hercegovine i dalje veoma ograničeni te da je sve veće zaostajanje za Evropskom unijom u području istraživanja i inovacija.

U Izvještaju Evropske komisije je, između ostalog, navedeno i sljedeće:

„Što se tiče politike istraživanja i inovacija, zakonodavni okvir koji reguliše razvoj istraživanja i inovacija i dalje je fragmentiran, i treba ga poboljšati na području cijele zemlje. Nikakav akcioni plan nije postojao od 2017. do 2023. godine. Bosna i Hercegovina treba da sačini i usvoji novu strategiju i akcioni plan razvoja nauke (2023–2028.).

Procijenjena ukupna izdvajanja zemlje za istraživanje i inovacije i dalje su ispod 0,3% BDP-a. Značajno povećanje budžeta, naročito u oblasti inovacija, neophodno je za ekonomski oporavak zemlje. Da bi se mogli obezbijediti pouzdani i sveobuhvatni statistički podaci o istraživanju i inovacijama, npr. za Evropsku ljestvicu uspjeha u inoviranju i Evropski istraživački prostor, trebalo bi postići daljnji napredak. Kapaciteti zemlje u oblasti istraživanja i dalje su veoma ograničeni, a trend odliva mozgova se nastavlja, pogotovo u sektorima zdravstva, medicine i informacionih tehnologija. Do sada nisu uvedene nikakve sistematske mjere za rješavanje tog problema.

Napori koje vlasti ulažu vlasti na unapređenju istraživačkih i inovacijskih politika i povezanih aktivnosti (npr. Strategija razvoja nauke i očekivano usvajanje i provođenje pratećeg Akcionog plana), kao i bespovratna sredstva koja se dodjeljuju organizacijama za podnošenje prijedloga u okviru programa Horizont Evropa, daju rezultate. Međutim, potrebno je ojačati sistemsku saradnju i

interakciju između aktera „trostrukog heliksa“ - akademske zajednice, industrije i vlasti. Izrada strategije pametne specijalizacije još uvijek je u veoma ranoj fazi. To nepovoljno utiče na aktivnosti u oblasti istraživanja i inovacija“.

Pitanje postavljam ministrici civilnih poslova Bosne i Hercegovine.

Odgovor tražim u pisanoj formi, u skladu s članom 171. Poslovnika Predstavničkog doma Parlamentarne skupštine BiH.

Poslanik SDP BiH
Saša Magazinović

